

Det er ikkje so ofte offentlege instansar beklagar noko, men no har det skjedd i 2 saker frå Uskedalen der fylkesmannen i Rogaland er settefylkesmann.

Den eine er byggjesaka til Per Arild Sjøwall i Kleivadalen og den andre oppføring av treplattung og utlegging av flytebyggje på Skorpo for Brit Margrethe Dale.

I begge saker viser fylkesmannen til tidlegare utsendt førehandsmelding med melding om sakshandsamingstid.

Fylkesmannen melder at handsaminga av dei to klagesakene diverre har vorte forseinka, men at dei vil bli handsama i løpet av sommaren/høsten.

Breva til dei to sluttar med at fylkesmannen beklagar den lange sakshandsamingstida.